



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Tertia schismaticorum postulatio ex eadem ciuitate ad imperatores missa.

urn:nbn:de:hbz:466:1-15062

Scilicet schismatici curant pietatem & religionem.

Schismate carere non potuit, quia schismaticos intra se continebat.

Hic schismatici gloriantur de multitudine, alibi saepe de paucitate.

ro, qui pro pietate tantum certamen suscepimus, & pro rectis dogmatibus nullum non periculum sustinuimus, neque ingredi in ciuitatem iussit, vt fidei periclitantis negotium ageremus, & pro rectis dogmatibus vrgeremus; neque ad propria remigrare permisit; sed sumus in Calchedone tristes, & gementes in ecclesia quæ exercetur schismate. Idcirco qui nullum responsum obtinemus, necessarium duximus, vt presentibus literis doceremus vestram pietatem coram Deo, & Christo ipso, ac sancto Spiritu; quod si quis ordinatus fuerit, antequam discutiantur recta dogmata, ab his qui hæretica sentiunt, necesse sit vt tota ecclesia scindatur, tam clero quam plebibus diffidentibus. Nullus enim piorum feret, hæretica colentibus communionem dari, propriamque salutem annihilari. Vbi autem hæc futura sunt, tunc vestra pietas præter suam mentem agere cogetur. Nam & schisma præter sententiam inualescet, & eos qui pro pietate certant, contristabit, non ferentes vt suæ animæ pereant, & consentent contentiosis impia Cyrilli dogmata, quæ iustificare volunt. Multi autem qui pietati student, & omnes nos, qui ex orientali diœcesi, & vestræ prouinciæ ex diœcesi Ponti, & Asia, & Thraciæ, & Illyrici, & Italiarum, Cyrilli dogmata admitti non sinent, qui & vestræ pietati librum beatissimi Ambrosii miserunt, aduersa pullulanti huic superstitioni docentem. Quapropter ne hoc eueniat, & vestra pietas magis conturbetur, supplicamus, precamur, obsecramus, vt edicat, ne ordinatio antea fiat, donec orthodoxa fides formetur, propter quam & nos congregauit vestra quæ Christum amat, celsitudo.

Tertia schismaticorum postulatio ex eadem ciuitate ad imperatores missa.

NON hunc euentum fortituram vestræ pietatis expectabamus vocationem. Vocati enim honeste sumus tamquam sacerdotes a rege, & vocati sumus ad confirmandam sanctorum patrum fidem; propterea etiam tamquam pio regi obedituri aduenimus. Vbi autem venimus, neque ecclesiam minus secuti sumus, neque vestrum contempnimus edictum, sed vestros nutus secuti sumus continue ab eo die, quo in Ephesum peruenimus,

ANNO
CHRISTI
431.

vsque in hodiernum. Verumtamen, vt videtur, nihil nobis profuit in hoc saculo modestia nostra, imo etiam plurimum, vt videmus, obfuit. Nam nos quidem, qui sic vos habuimus, vsque in presentem diem Calchedone tenti conseruati sumus; nunc autem ad propria dimittimur. Hi vero qui omnia confuderunt, & orbem turbis impleuerunt, & ecclesias discerpere contendunt, & pietatem manifeste oppugnant, sacerdotio funguntur, ecclesias congregant, & vt putant, auctoritatem ordinandi habent (nimirum illicite ab illis petitam,) seditiones in ecclesia excitant, quæ expendenda in vsus pauperum, in suos infumunt milites. Ceterum non illorum tantum, sed & noster rex es. Non enim parua portio regni tui est oriens, in qua semper recta fides refulsit, & cum hac etiam alia prouincia & diocesefes, e quibus congregati fuimus. Proinde ne despiciat vestra maiestas fidem, quæ adulteratur, in quam & vos baptizati estis, & vestri progenitores; in quam & ecclesiæ fundamenta sunt iacta, propter quam sanctissimi martyres innumera mortis genera cum voluptate susceperunt; cum qua & barbaros vicistis, & tyrannos destruxistis, qua & nunc opus habetis in bello, quo Africam premitis. Est enim Deus omnium commilito vester, si pro piis eius dogmatibus laboraueritis, & prohibueritis corpus ecclesiæ disrumpi. Disrumpetur enim, si opinio quam Cyrillus fidei induxit, & alii hæretici confirmarunt, inualescat. Hæc sæpe quidem coram Deo & in Epheso & hic testati sumus, & vestram pietatem docuimus, rationem illius, vt coram omnium Deo, reddentes. Exigit enim & hoc a nobis, sicut diuinæ scripturæ prophetiæ & apostolicæ docent. Etenim beatus Paulus clamat: *Testificor coram Deo, qui mortuos viuificat, & Domino nostro Jesu Christo, qui testificatus est sub Pontio Pilato bonam confessionem.* Et Ezechielii præcepit Deus, vt annuntiet populo; & minas adiicit, dicens: *Nisi annuntiaueris, sanguinem eius de manu tua requiram.* Timentes itaque hoc iudicium, necessarium existimamus iterum docere vestram maiestatem, quod ii qui permisi sunt ecclesias habere, in ecclesiis docent quæ Apollinarius & Arius & Eunomius: illegitime & contra Canones sacerdotio funguntur, & animas eorum

Non vestra
modestia, sed
intoleranda
temeritas &
iniquitas vo-
bis obfuit.

Cyrillus fidei
illustrat, non
impugnat.

1. Tim. 6.
v. 15.

Ezech. 3.
v. 18.

Et hæc mera
sunt com-
menta.

Concil. Tom. 5.

Xxxx ij

1. Tim. 2.
v. 4.

qui ad se accedunt, si quis & ipsos volet audire*. Nam per diuinam gratiam, cui omnium hominum cura est, & qui omnes vult seruari, maxima pars populi sana est, & pro piis sollicita est dogmatibus. Propter illos maxime dolemus. Et quia cruciamur, timentes, ne paulatim serpens morbus plures comprehendat, communeque malum fiat; hæc nos vestram serenitatem docemus, & docere non desistimus, & precamur vestram maiestatem, vt nostris precibus annuat, & nihil sinat adiici ad fidem sanctorum patrum, qui in Nicæa congregati fuerunt. Quod si & post hanc nostram obsecrationem, hanc, quæ coram Deo data est, doctrinam non susceperit vestra pietas, nos etiam puluerem pedum excutiemus, & clamabimus cum B. Paulo: Mundi sumus a sanguine vestro. Non enim cessamus nocte & die, ab eo die quo in hanc celebrem Synodum aduenimus, & regi, & principibus, & militibus, & sacerdotibus, & laicis testari, ne amittamus traditam nobis a patribus fidem.

Act. 18. v. 6.
v. 20. v. 26.*Eorumdem ad suos in Epheso epistola.*Ex diametro
hac cum præ-
cedentibus
pugnant, vt
hinc videat
schismaticos
meris com-
mentis niti.Male habet
schismaticos
Nestorii de-
positio.Mense hic
Syrogræcorū
respondet no-
stro Septem-
bri.Frustra con-
tra hæc capi-
tula nitimi-
ni.

POSTQVAM Calchedonem venimus (nam Constanti- nopolim neque nos, neque aduersarii nostri intrare permitti sumus propter seditiones bonorum monachorum) fama accepimus, quod ante octo dies, priusquam compareremus (en gloriam pientissimi regis) dominus Nestorius ab Epheso dimissus sit, vt eat quo liberet. Vnde valde doluimus; quandoquidem vere ea quæ illicite & absque iudicio facta sunt, iam robur habere videntur. Sciat autem vestra sanctitas nos promptos pro fide certamen inuituros, & certare velle ad mortem vsque. Expectamus autem hodie, hoc est, vndecima mensis Gorpixi, transiturum pientissimum nostrum regem ad Rufinianum, & illic causam auditorum. Precetur igitur vestra sanctitas, vt Dominus Christus nos adiuuet, quo valeamus sanctorum patrum fidem roborare, & in damnum sanctæ ecclesiæ exorta capitula radicitus discerpere. Eadem vt & vestra sanctitas sentiat ac faciat, obsecramus; maneatque in sua pro fide orthodoxa alacritate. Porro cum scripta esset epistola, nondum occurrerat nobis dominus Himerius. nam fortassis impeditus est in itinere.

ANNO
CHRISTI
431.
f. occi-
dunt. vel
perdunt.